


享保元年

古文孝經

清家校本  
旧版

全





古文孝經序

齊不  
乘羅

孔安國

同書

孝經者何也孝者人之高行經常也自

有天地人民以來而孝道著矣上有明

王則大化滂流充塞六合若其無也則

斯道滅息當吾先君孔子之世周失其

柄諸侯力爭道德既隱禮誼又廢至乃

臣弑其君子弑其父亂逆無紀莫之能

正是以夫子每於閑居而歎述古之孝



道也。夫子敷先王之教於魯，之洙泗門徒三千人，達者七十有二也。貫首弟子顏回、閔子騫、冉伯牛、仲弓，性也。至孝之自然，皆不待諭而寤者也。其餘則怵怵憤憤，若存若亡，唯曾參躬行匹夫之孝，而未達天子諸侯以下，揚名顯親之事，因侍坐而諮問焉。故夫子告其議於是，曾子喟然知孝之爲大也，遂集而錄之。

名曰孝經，與五經並行於世，逮乎六國學校衰廢，及秦始皇焚書坑儒，孝經由是絕而不傳也。至漢興，建元之初，河間王得而獻之。凡十八章，文字多誤。博士頗以教授，後魯恭王使人壞夫子講堂於壁中，石函得古文孝經三十二章，載在竹牒，其長尺有二寸，字科斗形。魯三老孔子惠抱詣京師，獻天子。天子使金



馬門待詔學士與博士羣儒從隸字寫  
之還子惠一通以一通賜所幸侍中霍  
光光甚好之言爲口實時王公貴人咸  
神秘焉比於禁方天下競欲求學莫能  
得者每使者至魯輒以人事請索或好  
事者募以錢帛用相問遺魯吏有至帝  
都者無不齎持以爲行路之資故古文  
孝經初出於孔氏而今文十八章諸儒

各任意巧說分爲數家之誼淺學者以  
當六經其大車載不勝反云孔氏無古  
文孝經欲矇時人度其爲說誣亦甚矣  
吾愍其如此發憤精思爲之訓傳悉載  
本文萬有餘言朱以發經墨以起傳庶  
後學者覩正誼之有在也今中秘書皆  
以魯三老所獻古文爲正河間王所上  
雖多誤然以先出之故諸國往往有求



漢先帝發詔稱其辭者皆言傳曰其實  
今文孝經也昔吾逮從伏生論古文尚  
書誼時學士會云出叔孫氏之門曰  
知孝經有師法其說移風易俗莫善於  
樂謂為天子用樂省萬邦之風以知其  
盛衰則移之以貞盛之教淫則移之  
以貞固之風皆以樂聲知之知則移之  
故云移風易俗莫善於樂也又師曠云  
吾驟歌南風多死聲楚必無功即其類  
也且曰庶民之愚安能識音而可以樂  
移之乎當時衆人僉以為善吾嫌其說  
迂然無以難之後推尋其意殊不得介  
也子游為武城宰作絃歌以化民武城  
下邑而猶化之以樂故傳曰夫樂以關  
山川之風以曜德於廣遠風德以廣之  
風物以聽之脩詩以詠之脩禮以節之



又曰用之邦國焉用之鄉人焉此非唯  
天子用樂明矣夫雲集而龍興虎嘯而  
風起物之相感有自然者不可謂母也  
胡笳吟動馬蹠而悲黃老之彈嬰兒起  
舞庶民之愚愈於胡馬與嬰兒也何為  
不可以樂化之經又云敬其父則子悅  
敬其君則臣悅而說者以為各自敬其  
為君父之道臣子乃悅也甲余謂不然君  
雖不君臣不可以不臣父雖不父子不  
可以不子若君父不敬其為君父之道  
則臣子便可以忿之耶此說不通矣吾  
為傳皆弗之從焉也



古文孝經

古文孝經

孔氏傳

開宗明義章第一

十四字

仲尼間居曾子侍坐

凡仲尼者孔子字也

有義有象有假有類以名注為信以德

類仲尼首上巧似尼丘山故名曰丘而

字仲尼孔子者男子之通稱也仲尼之

子伯尼間居者靜而思道也曾子者男

道以訓天下稱姓先王也至德要

左也侍坐承事子曰參先王有至德要



孝德也。孝，生於敬。敬者，寡而悅者衆。故謂之要道也。訓教也。道者，扶而持萬物，使各終其性命者也。施於人，則變化其行而之。正理，故道在。身則言自順而行。自正事君，自忠事父，自孝與人，自信應物。自治一人用之，不聞有餘。天下行之，不聞不足。小取焉，小得福；大取焉，大得福。謂之道，別而名之，則謂之。孝悌、仁義、禮忠、信也。民用和睦，上

下亡怨。女知之乎？言先王行要道，奉睦則遠者和，附近者睦。

親也，所謂率已以化人也。廢此二義，則萬姓不協。父子相怨，其數然也。問：曾子道汝寧知先王之以孝？曾子避席曰：參弗

敏，何足以知之乎？敏，疾也。曾子下席而跪，稱名答曰：參。性遲鈍，見誼不疾，何足辱以知先王要道乎？

蓋謙辭也。凡弟子請業及師之問，皆作而離也。子曰：夫孝，德之本也。教之所統生

也。孝道者，乃立德之本基也。教化所從生也。德者，得也。天地之道，得則日月

星辰不失其叙，寒燠雷雨不失其節。以主之化，得則羣臣同其義，百官守其職。

萬姓悅其惠，來世歌其治。父母之息，得則子孫和順，長幼相奉，親戚歡娛，姻族

敦睦道之美。復坐。吾語女。將聞大道，欲莫精于德也。

還復本坐而後語之。夫避席答對，身體弟子執恭告令復坐，師之恩恕也。



髮膚受于父母不敢毀傷孝之始也

其本

所由也人生稟父母之血氣性情性相通

分形異體能自保全而無刑傷則其所

以為孝之始者也是以君子之道讓約

自持居上不驕處下不亂也推啟能讓

悔而無凶禍之災也立身行道揚名於

後世以顯父母孝之終也

於孝也束脩進德志邁清風遊于六藝之場蹈于無

過之地乾乾日競夙夜匪懈行其孝道

聲譽宜聞父母尊顯於當時子孫夫孝

光榮於無窮此則孝之終竟也始於事親中於事君終於立身

之言非孝行也

父母之遺體而已故畧於上而詳於此

互相備矣禮男初生則使人執束弧蓬

矢射天地四方示其有事是故自生至

于三十則以事父母接兄弟和親戚睦

宗族敬長老信朋友為始也四十以往

念爾祖聿脩其德

大雅者美文王之德

言當下念其先祖而述脩其德也斷章取

義上下相成所以下以終始孝道不以敢懈

昌前者以為人子孫懼不尅



天子章第二

經五十三字

子曰愛親者不敢惡於人

謂內愛已親而外不惡於

人也夫兼愛無遺是謂君心上以順教則萬民同風且暮利之則從事以勝任

也敬親者不敢慢於人

謂內敬其親而外不慢於人

為至德也其至德以和天下而長幼之節肅焉尊卑之序辨焉是故不遺老

親則九族無怨爵授有德則大臣與義祿與有勞則士死其制任官以能則民

上功刑當其罪則治無詭帥士以民之所載則上下和舉治先民之所急則衆

不亂而民知所以終始之也紀

愛敬盡於

事親然後德教加於百姓刑於四海

刑法

也百姓被其德四海法其教故身者正德之本也治者耳目之詔也立身而民

化德正而官辨安危在本治亂在身故孝者至德要道也有其人則通無其人

則塞蓋天子之孝也蓋者稱辜較之辭也又陳其大綱則

綱目必舉天子之 呂刑云一人有慶

民賴之 呂刑尚書篇名也呂者國名四嶽之後也為諸侯相穆王訓夏

之贖刑以告四方一人謂天子也慶善也十億謂兆言天子有善德兆民賴之

福也夫明王設位法象天地是受命而稟命於天而布德於諸侯受命而



宣於卿大夫卿大夫承教而告於百姓  
故諸侯有善讓功天子卿大夫有善推  
美諸侯士庶人有善歸之卿大夫子  
弟有善移之父兄由于上之德化也

### 諸侯章第三

六經七十  
六字

子曰居上不驕高而不危高者必以下

位不驕莫不好利而惡害其能與百姓

同利者則萬民持之是以雖處高猶不

也危制節謹度滿而不溢有制有節謹其

道也知守其足則高而不危所以長守

雖滿而不盈溢矣貴也皆自然

疾驕天道毀盈不驕不溢用能長守富

有損之古之聖賢不上其高以求下富

人不離其身然後能保其社稷而和其

民人蓋諸侯之孝也有其德斯其爵矣

矣居身於德處尊於爵擷有社稷行其

政令則人民和輯四境以寧諸侯之孝

道其法詩云戰戰兢兢如臨深淵如履

薄冰詩小雅小旻之章也自危懼之詩



其存者也推其亂者則能有其治者而  
故君子安而不忘危存而不忘亡治而  
不志亂是以身安  
而國家可保也

### 卿大夫章第四

經九十四字

子曰非先王之法服不敢服服者身之表也尊卑

貴賤各有等差故賤服貴服謂之僭上

僭上為不忠貴服賤服謂之偪下偪下

為失位是以君子動不違法非先王之

舉不越制所以成其德也法言弗敢導法言謂孝悌忠信仁義禮

非此則不說也故能參德於天地公平也

干道非先王之德行不敢行修德於身

擬而後言誼而後動擬誼以其志勤以

行其誼中能應外施必先當是以上

安而化之也是故非法不言非道不行必合

然後乃言必合道誼然後乃行也無定

之士明王不禮無度之言明王不許也

尤所宜慎故申覆之法口無擇言身無

有言無言所可言行所可行故言行皆善

先王所不言所不行也言滿天下亡

口過行滿天下亡怨惡聖人詳慎與

超絕發言必願



其累將行必慮其難故出言而天不悅之所行而天下樂之言不逆民行不事則人恐其不復言恐其不復行若者其行暴賊也言而不信則民不附行而暴賊則天下怨民不附天下怨此皆從滅亡所三者備矣然後能保其祿位而

守其宗廟蓋卿大夫之孝也三者謂服應法言有

則行合道也立身之本在此三者三者無闕則可以安其位食其祿祭祀祖考護守宗廟者尊也廟者貌也父母既沒宅兆其靈於之祭祀謂之尊貌此卿大夫之所也詩云夙夜匪懈以事一人

雅烝民美仲山甫之章也仲山甫為周宣王之卿大夫以事天子得其道故取成義焉言其柔嘉維則令儀令色小心翼翼古訓是式威儀是力既明且哲以保其身皆與此義同也

### 士章第五

經八十六字

子曰資於事父以事母其愛同資取也取事父

之道以事母資於事父以事君其敬同其愛同也

言愛父與母同也故母取其愛而君取其

敬兼之者父也母至親而不親唯父兼尊親之



義焉夫至親者則敬不至至尊者則愛不至人常情也是故為人父者不明父  
 子之義以教其子則子不知為子之  
 以事其父為人君者不明君臣之義以  
 正其臣則臣不知為臣之理以事其主  
 君臣以義固上下以序和衆庶以愛輯  
 則主有禁令而民不犯矣故以孝事君則忠  
 上者子婦之高行也忠者臣下之高行  
 也父母教而得理則子婦孝子婦者親  
 之所安也能盡孝以順親則當於親當  
 於親則美名彰人君寬而不虐則臣下  
 忠臣下者則君之所用也爵祿至是故執  
 上則當於君當於君則爵祿至是故執  
 人臣之節以事親其孝可知也操以弟  
 事親之道以事君其忠必也

事長則順

弟者善事父兄之謂也順生於弟故觀其所以事兄則知其

其所也

忠順不失

以事其上然後能保

其爵祿而守其祭祀蓋士之孝也

上則為君

長也此撮凡舉要申解為士之義所以能保其爵祿而守其祭祀者則以其不

失忠順於

詩云夙興夜寐亡忝尔所生

我與當夙起夜寐進德脩業以無忝辱

其父母也能揚名顯父母保位守祭祀非以孝弟莫由至焉也

庶人章第六

經二十四字



子曰因天之時就地之利天時謂春生夏長秋收冬藏也地利謂原濕水陸各有所宜也

人之業稼穡為務審日四時就物地宜

除田擊槁深耕疾耨時雨既至播殖百穀挾其槍刈脩其壟畝脫衣就功曝其

髮膚且暮從事露髮塗足少而習焉其心休焉是故其父兄之教不肅而成其

子弟之學不謹身節用以養父母此庶勞而能也

人之孝也謹身者不敢犯非也節用者約而不奢也非則無患

不為奢則用足身無患悔而財用給足以恭事其親此庶人之所為孝也

### 孝平章第七

四經二十字

子曰故自天子以下至于庶人故者故

五章之義也孝亡終始而患不及者未之有

也躬行孝道尊卑一揆人子之道所以為常也必有終始然後乃善其不能

終始者必及患禍矣故為君而惠為父而慈為臣而忠為子而順此四者人之

大節也大節在身雖有小過不為不忠為君而虐為父而暴為臣而不忠為子

而不順此四者人之大失也大失在身雖有小善不得為孝上章既品其為孝

之道此文摠說其無終始之各以勉人為高行也

### 三才章第八

十經一百二十九字



曾子曰甚哉孝之大也曾子聞孝為德本而化所由生

自天子達庶人焉行者遇福不用者蒙患然後乃知孝之為甚大也子曰

夫孝天之經也地之誼也民之行也常經

也誼宜也行所由也亦皆謂常也夫天有常節地有常宜人有常行一設而不

變此謂三常也孝其本也兼而統之則人君之道也分而殊之則人臣之事也

君失其道無以畜其國臣失其道無以有其位故上之畜下不妄下之事上不

虛孝之天地之經而民是則之是是此

致也孝之天地之經而民是則之誼也則此

法也治安百姓人君之則也訓謹家事父母之則也諍諫臣下之則也盡

力善養子婦之則也人君不易其則故百姓悅焉父母不易其則故家事脩焉

臣下不易其則故主無慝焉子婦不易其則故親養具焉斯皆法天地之常道也

也是故用則者安則天之明因地之利

以訓天下夫覆而無外者天也其德無

物莫不殖焉是以聖人法之以覆載萬

民得職而莫不樂用故天地不為

其政不嚴而治是以其教不肅而成

其政不嚴而治山而呼音達五十里因



高之響也。造父執御千里不疲，因馬之  
弊也。聖人因天地以設法，循民心以立  
化。故不加嚴刑而政自肅，而教自成。  
先王見教之

可以化民也。識見教化終始是故先之

以博愛而民莫遺其親。傳愛汎愛衆也

以示親親也故民化之陳之以德誼而

民興行。陳布也布德誼以化天先之以

敬讓而民不爭。讓上為敬則下不慢上好

猶風之靡草故每之以禮樂而民和

睦。禮以強教之樂悅安之君有父母

行緦之斯來動之。示之以好惡而民知

禁。好謂賞也惡謂罰也賞罰明而不可

亂人君所以令行而禁止於民之所惡

必先令於民之所好而禁止於民之所惡

然後詳其鈇錢慎其祿賞焉有不聽而

犯禁而可以得免者是鈇錢不足以使下也

有無功而可以得富者是祿賞不  
足以勸民也。號令不足以使下鈇錢不  
足以威衆。祿賞不足以勸民則人君無  
以自守。

詩云赫赫師尹民具瞻。詩小雅節



高之響也。造父執御千里不疲，因馬之  
弊也。聖人因天地以設法，循民心以立  
化。故不加嚴刑而政肅，而教自成。先王見教之  
不加嚴刑而政肅，而教自成。先王見教之

可以化民也。識見教化終始，是故先之

以博愛而民莫遺其親。先垂博愛之教也。

以示親親也。故民化之。陳之以德誼而

民興行。陳布也。布德誼以化天。先之以

敬讓而民不爭。讓則下不慢，上好

輒以風之。靡草故每導之以禮樂而民和。

睦之禮以強教之樂。悅安之君有父母

行緝之斯來動之。示之以好惡而民知

禁。好謂賞也，惡謂罰也。賞罰明而不可

亂。人君所以令行而禁止者，必先令於民之所好而禁止於民之所惡。

然後詳其鈇錢慎其祿賞焉。有不聽而

可以得存者，是號令不足，以使下也。有

犯禁而可以得免者，是鈇錢不足，以威

衆也。有無功而可以得富者，是祿賞不  
足以勸民也。號令不足，以使下鈇錢不  
足以威衆。祿賞不足，以勸民則人君無  
以自守。詩云：赫赫師尹，民具瞻。瞻，小



南山之章也赫赫顯盛也師大師尹氏  
周之三公也具皆也言君顯盛之位衆  
民皆瞻仰之所行不可遠天地之  
經也善惡則民從故有位者慎焉

### 孝治章第九

經一  
百四  
十  
二  
字

子曰昔者明王之以孝治天下也

所謂明者

照臨群下必得其情也故下得道上賤  
得道貴卑者不待尊寵而尤大臣不

左右而進百官修道各奉其職有罰者  
主尤其罪有賞者主知其功尤知不悖

賞罰不差有不弊道故曰明所謂孝者  
至德要道也治亦訓也若乃蒞官不忠

非孝也不愛萬物非孝也接下不敢遺  
不惠非孝也事上不敬非孝也

小國之臣而况於公侯伯子男乎

小國之臣

臣之卑者也公侯伯子男凡五等皆國  
君之尊爵也卑猶不敢遺忘尊者見敬

可知故得萬國之歡心以事其先王

萬國

者舉盈數也明王崇愛敬以接下則下  
場歡而應之是故損上益下民悅無疆

自上下下其道大光事之者謂  
四時享祀駿奔走在廟也

治國者

不敢侮於鰥寡而况於士民乎

鰥寡之人

尤疲弱者猶且不侮  
慢之况與士民乎

故得百姓之歡心

以事其先君

說天子言先王尊諸侯言  
先君皆明其祖考也凡民



愛之則親利之則至是以明君之政設  
利以致之明愛以親之若徒利而不愛  
則衆不親徒愛而不利則衆  
不至愛利俱行衆乃悅也  
**治家者不**

**敢失於臣妾之心而况於妻子乎**  
夫卿大夫稱

家臣與妾賤人也妻之與子貴者也  
也接賤不失禮則其敬貴必也  
**故得**

**人之歡心以事其親**  
人謂菜色之人也

心所以供事其親不言先者大夫  
夫以賢舉苞父祖之見在也  
**夫然故**

**生則親安之祭則鬼享之**  
夫然猶言如

鬼親安之謂其祖考之  
故親安之祭致齋敬故  
**是以天下和平**

**災害不生禍亂不作**  
通上下行孝愛敬交

神悅故妖孽不起也  
**故明王之以孝治天下**

**也如此**  
如此福應也行善則休徵報之

有諸侯卿大夫之事而主之於明  
王者下之能孝化于上也  
**詩云**

**有覺德行四國順之**  
詩大雅抑之章也

正直之德則四方之  
衆國皆順從法則也

**聖治章第十**

經一百四十字

**曾子曰敢問聖人之德亡以加于孝乎**



曾子聞明王以孝道化天下如中上章子  
之詳故知聖人建德無以尚於孝矣

曰天地之性人為貴人之行莫大於孝

性生也言凡生天地之間含氣之類人  
最其貴者也正君臣上下之誼篤父子

兄弟夫妻之道辨男女內外疏數之節  
章明福慶示以廉耻所以為貴也孝者

德之本教之所由生也故人之行莫大於孝焉  
孝莫大於嚴父

嚴父莫大於配天則周公其人也

為孝之道無大於尊嚴其父以配祭天  
帝者周公親行此莫大之義故曰則其

人昔者周公郊祀后稷以配天

祭也之別名也天子祭天周公攝政制  
之祀典也祭天之時后稷祐坐而配食

焉也宗祀文王於明堂以配上帝

此言宗祀取名雖殊其義一也明堂禮  
義之堂即周公相成王所朝諸侯者也

上帝亦天也文王於明是以四海之內

各以其職來祭夫聖人之德又何以加

於孝乎

以忠愛也周公秉人君之權操必化之  
道以治必用之民處人之勢以御必

服之臣是以教行而孝之順海內公侯奉  
其職貢咸來助祭聖孝之極也復何以



也加孝乎是故親生毓之以養父母曰嚴

育之者父母也故其敬其父母而致尊嚴焉

聖人因嚴以教敬因親以教愛言其不

情也其因有尊嚴父母之心而教以愛

也聖人之教不肅而成其政不嚴而治

其所因者本也凡聖人設教皆緣人之

治加威肅而教成不加嚴刑而政

### 父母生績章第十一

經三字

子曰父子之道天性也言父慈而教子

情出於中心乃其君臣之誼也親愛相

父子之恩尊嚴之則有君臣之父母生

之績莫大焉君親臨之厚莫重焉績功

母之生子撫之育之願之復之攻苦之

功無大焉者也有君親之愛臨長其子

恩情之厚莫重焉者也凡上之所施於

下者厚則下之報上亦厚薄之報各

從其所施薄施而厚饋雖君不能得之

猶飢之求食寒之欲衣厚則

歸之薄則去之有由然也



孝優劣章第十二

經一十字

子曰不愛其親而愛他人者謂之悖德

不敬其親而敬他人者謂之悖禮盡愛敬之

道以事其親然後施之於人孝以訓則

昏民亡則焉夫德禮不易靡人不懷德

則民無所取法矣教不宅於善而皆在

於凶德無宅居也孝弟敬順為善德昏亂

也不居於善皆在於凶德矣也雖得志君

子不從也得志謂居位行德也不義而

萬物故君子不從以言君子則不然不

為悖德悖禮之事又言思可導行思可

言則思忠行則思敬不虛言行也思

行之事然後乃行行必果也合乎先王

也德誼可尊作事可法立德行義不違

物宜故事業動得容止可觀進退可度容

威儀也進退動靜也正其衣冠尊其瞻

視俯仰曲折必合規矩則可觀矣詳其



舉止審其動靜進退周旋不越以臨其

禮法則可度矣度者其禮法也

民是以其民畏而愛之則而象之

子言行德義進退之事也整齊嚴栗則

民畏之温良寬厚則民愛之畏之則用

愛之則親民親而下則而象之道成矣君有

君之威儀則臣下則而象之故其在位

可畏施舍可愛進退可度周旋可則容

止可觀作事可法德義可象聲氣可樂

動作有文言語有威儀也故能成其德教

臨其民謂之有威儀也

而行其政令不違故德教成而政令行

也教成政行君能有其國家令聞長世

臣能守其官職保族供祀順是以下皆

若能相固也詩云淑人君子其儀不忒

國風曹詩尸鳩之章也言善人君子之

### 紀孝行章第十三

經九十三字

子曰孝子之事親也

致其敬養則致其樂

敬之節也疾則致其憂喪則致其哀祭

則致其嚴

正履所謂致其憂也親既終沒思慕號

咷斬縗所歎附先祖葬所謂致其哀也



既葬後反虞祔練祥之祭及四時吉祀  
盡其齊敬之心又竭其尊肅之敬所謂  
致其五者備矣然後能事其親五者奉  
嚴也

二事死之道三備此五者事親者居上  
之義乃可謂能事其親也

不驕為下不亂在醜不爭上上位也醜

善接下也不亂奉上居上而驕則亡為

下而亂則刑在醜而爭則兵驕而無禮

亂而不恭所以刑也爭而不此三者不

除雖日用三牲之養絲為不孝也謂驕者

亂爭也不除言在身也三牲牛羊豕也

疏固也三者死將至既自受禍

父母蒙患雖日用三

牲供養上固為不孝也

五刑章第十四 經三十

子曰五刑之屬三千 大辟謂墨劓剕宮

墨辟之屬千刻其額墨之也劓辟之屬

千截其肌也剕辟之屬五百斷其足也

宮辟之屬三百劓其勢也大辟之屬

而

辜莫大於不孝之刑也辜者謂居上而

驕為下而亂在要君者亡上非聖人者



亡法非孝者亡親以要謂約勒也而君者此所

有無上之心者也聖人制法所以為治也而非之此有無法之心者也孝者親

之至也而非之此有無親之甚也此大亂之

道也此無上無法無親也言其不耻不

絕也凡為國者利莫大於治也害莫大

於亂亂之所生生於不祥上不愛下

不供上則不祥群臣不用禮義則不祥

有司離法而專違制則不祥故法者至

道也聖君之所以為天下皆發焉是以明王

之所出也君臣上下皆發焉是以明王

置儀設法而固守之卿相不得存其私

羣臣不得便其親百官之事案以法則

夫不生暴慢之人繩以法則禍亂不起

能從法者明君也能守法者忠臣也

臣民也

### 廣要道章第十五

一經八十

子曰教民親愛莫善于孝孝者愛其親

子行著而愛人之心存焉故欲民之

親愛則無善於先教之以孝也教

民禮順莫善于弟弟者敬其兄以及人

順於人者也故欲民之以禮相移風易

俗莫善於樂風化也俗常也移太平之

化易衰弊之常也樂五聲



出之主也。故其聞之者，雖不識音，猶屏息靜聽。深思遠慮，其知音則循官商而變，飾隨角徵以改操。是以古之教民，莫不以樂以為無。尚之故也。

**安上治民，莫善於禮。**言禮最其

善孝弟之實用也。國無禮，則上下亂而貴賤爭賢者失所，不肖者蒙幸。是故明王之治，崇等禮以勸之，設爵級以禮者休之。班祿賜以勸之，所以政成也。

**敬而已矣。**禮主於敬，敬出於孝弟，是故禮經三百，威儀三千，皆殊事而合敬異流。

**故敬其父則子悅，敬其兄則弟悅，敬其君則臣悅。**此言先王以子而

而天下子弟臣悅，喜也。教之以孝，是敬其父；教之以弟，是敬其兄。教之以臣，是敬其君也。

**敬一人而千萬人悅。**上說所以施而而言也。一人者，各謂其父兄也。

**所敬者寡而悅者衆。**此謂要道也。寡謂一人也，衆謂千萬人。

也。以孝道化民，此其要者矣。所以說成敬一人之義也。

**廣至德章第十六** 經八十字

**子曰：君子之教，以孝也。非家至而日見**

**之。**此又所以申明上章之義焉。言君子之教，又所以申明上章之義焉。言君子之教，又所以申明上章之義焉。言君子之教，又所以申明上章之義焉。



君子亦謂先王也夫蛟龍得レ不然後教レ立其神聖人得レ民然後成其化也

以孝所以敬天下之為人父者也所謂敬其

父則子悅也以孝道教則教以弟所以

敬天下之為人兄者也所謂敬其兄則

教即是敬天下教以臣所以敬天下之

為人君者也所謂敬其君則臣悅也

人君矣古少帝王父子事三老兄事五更

其養國老則天子祖而割牲執爵而饋

也尸即所祭之象故臣子致其尊嚴也

三老者國之舊德賢俊而老所從問道

博物多識所從諳道詩云愷悌君子民

之父母也言君子敬以居身樂易于人

其貴老慈幼忠愛之心似民非至德其

孰能訓民如此其大者乎孝之為德其

言敷德以化下下皆順而從也

應感章第十七

經一字



子曰昔者明王事父孝故事天明事母

孝故事地孝謂立宗廟豐中祭祀也王

其父母則事天地之精爽明察矣長幼順

故上下治謂克明厥德以親中九族也長

王子弟之屬也能順其長幼之節則踈

天地明察鬼神章矣章著也天地既明

得不著也謂人神不擾故雖天子必有

尊也言有父也必有先也言有兄必有

長也更申覆上義也天子雖尊猶尊宗

廟致敬不忘親也修身慎行恐辱先也

說所以事父母之道也立廟設主以象

其生以事父母之追孝繼思脩行揚

不敢顯明祖考皆孝敬之事也所以宗

廟致敬鬼神著矣上句言天地明察鬼

先人則鬼神有所依歸不相干犯也言

所不暨光充暨及也明王以孝治天下

無凶也孝弟之至通於神明光於四海亡



患害也其精誠徵應如此故曰通於神明又充塞于天地之間焉無所不及言也普治

服詩大雅文王有聲之章也美武王孝德之致而四方皆來服從與光于四海無所不暨義同故

舉以明此義也矣

### 廣揚名章第十八

經四十三字

子曰君子事親孝故忠可移於君能孝於親

則必能忠於君矣求忠臣必於孝子之門也事兄弟故順可

移於長善事其兄則必能順於長矣忠出干孝順出干弟故可移事父

兄之忠順以居家理故治可移於官能事於君長上也

於家者則其治用可移於官君子之於人內觀其事親所以知其事君內察其

治家所以知其治官是以言治者必効之以其實譽人者必試之以其官故虛

言不敢自進不肖不敢處官也 是以行成於內而名立

於後世矣孝弟之行事父兄也而忠順出焉能理干其家閨門事也

而治官出焉所謂行成於內而名立於後世也昔虞舜生於畎畝父頑母嚚弟

又佞傲用能理率行孝道蒸蒸不怠天下推之萬姓詠之彌歷千載而聲聞不

亡所謂揚名後世以顯父母也



閨門章第十九

經二十  
四字

子曰閨門之內具禮矣乎

上章陳孝道  
既詳故於此

都目其為具禮矣夫禮經國家定社稷  
厚人民利後嗣者也君子脩孝於閨門

而事君事長以治也嚴親嚴兄禮所以言具

官之義備存焉也嚴親嚴兄禮所以言具  
弟以親孝也嚴兄弟也孝以事君  
妻子臣

妾猶百姓徒役也

臣謂家臣僕也故家  
人君有嚴君焉父之謂

也父謂嚴君而兄為尊長則其妻子臣  
妾猶百姓徒役是故君子役私家之內

而君人之  
禮具矣

諫諍章第二十

經一百四  
十九字

曾子曰若夫慈愛龔敬安親揚名參聞

命矣慈愛者所以接下也恭敬者所以  
事上也安親揚名者孝子之行也

曾子稱名曰參敢問子從父之命可謂

孝乎疑思問也夫親愛禮順非違命之  
謂也以為於義有關是以問焉也

子曰參是何言與是何言與言之不通

耶和謂之者非之深也可否相濟謂之  
和以水濟水謂之同和實生民同則

不繼務在不違同也從是爭非和也  
子魯鈍不推致此義故謂之不通也曾



昔者天子有爭臣七人前七人疑後三公及

右弼也天子凡此七官主雖無道不失天下

無道者不循先王之至德要道也不失

機有已過過天子受之禍故立諫諍之官以

所則以安上猶食之肥體主逆諸侯有

爭臣五人自上下天子所命之孤卿及

與大夫也雖無道不失其國

從諫如流斯大夫有爭臣三人

側室也雖無道不失其家

王有四海故以天下為稱諸侯君臨百

為之班凡此皆士有爭友則身不離於令

名非則忠告以善導謂之爭友不離善

在言常也父有爭子則身不陷於不誼

過則子必安幾諫見志而不從起敬起

而從之終不使父陷于不故當不誼則

子不可以不爭于父義之事子不可不

孝經

卷之四



不爭也。臣不可以不爭於君。其有非犯禮值  
顏以道諫爭。三諫不納。奉身以退。若有  
正之忠。無阿順之從。良臣之節也。若乃  
見可諫而不可諫。謂之尸位。見可退而  
退。謂之懷竈。懷竈尸位。國之姦人也。姦  
人在朝。賢者不進。苟國有患。則優俺  
儒必起議國事矣。是謂人主。國而損  
也。故當不誼則爭之。從父之命。又安得  
為孝乎。臣從命。不得為孝。則諫為孝矣。故  
諫爭所以為忠。孝者。也。重見當其不義  
也。夫臣能固爭。至忠子能固諫。至孝也。  
人主忌忠。謂之不君。人父忌孝。謂之  
之不父。忌忠。則大亂之。本也。

### 事君章第二十一

九經四十九字

子曰君子之事上也。

君上謂君父。此之謂也。有

固所以宜事君也。

進思盡忠。退思補

過。

進見於君。則必竭其忠。貞之節。所以圖  
國事。直道正辭。有犯無隱。退還所

思其事宜。獻可替否。以補主過。所以將  
為忠君。有過而臣不行。謂之補過也。將

順其美。匡救其惡。

將行也。宜行其法。令

臣舉言而匡之。救其邪僻之行。使不至  
於惡。此臣之所以為功也。故明王審言

教以清法。案分職。以課功。功立者賞。故  
亂政者誅。誅賞之所加。各得其宜也。故







麻在<sub>レ</sub>身即有<sub>二</sub>悲哀之色<sub>一</sub>端冕在<sub>レ</sub>身即有<sub>二</sub>可畏之色<sub>一</sub>也

聞樂不樂食旨不甘故不聽不美也其不樂

慕之至也此哀感之情也所以解上六

內發非三日而食教民士以死傷生也

禮親終哭踊無數水漿不入口毀窆不

足三文理不以終者聖人立制毀不滅性是

聖人之正也孝子在喪可以毀瘠杖然

於不勝喪而此聖人之正制也喪不過三年

示民有終也孝子有終身之喪然三年

也故以禮取中制為三年使賢者俯就

不肖者企及所以為之棺槨衣衾以舉

之禮為死制槨槨周於棺棺周於衣衣

也棺槨陳其蓋篋而哀感之蓋篋祭器盛

陳列而不御黍稷潔盛而不哭泣擘踊

哀以送之卜其宅兆而安措之擘跳也

之送墓始死於牖下浴於中雷飯於牖



下斂於戶內殯於客位祖奠於庭送葬於墓彌以即遠也上其葬地定其宅北謂營域宅謂穴措置也安置棺槨於其穴葬地者孝子重慎恐其下有伏石漏水後為中市為之宗廟以鬼享之春秋朝上遠防之也

祭祀以時思之用三年喪畢立其宗廟而

有夏言秋則有冬舉春秋而四時之義存矣春兩既濡君子履之必有休惕之心感親而脩祭焉

所謂以時思也生事愛敬死事哀慙

父母生則事之以愛敬死則事之以哀感亂撮上章之要也生民之

本盡矣謂立身之道盡也死生之誼備矣

事死事生之孝子之事終矣信為孝子義備於是也

畢於此篇也

古文孝經



後陽成帝勅板長根歌野馬臺誌行

長三寸三分幅五寸八行十七字

每行幅七分弱

據此則此本六其<sup>蓋</sup>刻勅板活

字者款錄待後政成子二月十三夜書

于燈下森立之峰云

塞其源者竭。背其本者枯。從舉引之。千  
枝萬葉。隨而舉矣。學問之道。有本有末。  
本立而道成。夫古文孝經者。先聖之遺  
策。石函之全書。仁義之祖宗。六籍之樞  
要也。博士安國。聖室之胄。奮其蘊奧。而  
為訓傳。其文直而不迫。其言約而不漏。  
經意繁然。比日月不可息也。學者苟能  
汲汲孜孜。珍翫此書。則大本立。而百行



舉矣。若不據之。則雖日誦萬卷。而徒勞  
心志。竟不能窺聖人之大道。不可不熟  
也。自漢魏至初唐。雖聖世相遠。治亂相  
變。而尚古典。重實學。夏五不改。及史之  
闕文也。蓋漢魏諸賢之為經解也。質素  
純粹。舊傳不漏。異見無有矣。及玄宗庸  
主。而歆鈞聲譽於天下。竒辨偏說。改作  
孝注。遂作孔氏之傳。妄沒聖經之數章。

削字改章。刀筆交加。仍舊貫如何。何必  
改作。天寶之蒙塵。真自是之後。  
同聲相應。同氣相求。朱熹有刊誤。吳澄  
有私說。惜哉。聖經訖覆醬瓿也。夫宋偏  
解經典也。佛意駁雜。紅紫亂朱。有不  
合已意者。回護添損。其文不直而迫。其  
言不約而漏。經意暗然。終沒日月矣。已  
佛而針佛。已老而砭老。豺狼當道。安問



狐狸可笑之甚者也。然習之於人。微而著。深而固。楚之狂者。楚言。齊之狂者。齊言。自元明至本邦。羅彼說者。譬猶羣蟻附壇。烏鵲集肉。夫乘舟而惑者。不知東西。見斗極則寤矣。學者失經傳之極。終身不能知東西也。悲夫傷哉。余累世。宗古學。辱侍讀。好漢魏質素之舊傳。集聖意。紙粒。

之。清源。雖與衆不適。豈數小家之珍說乎。爰穗積。臣重年。神服連宗夷。遊余門而歎古文。顛覆聖意。晡昧。遂欲壽梓。以解督儒之黑索。余曰。先東武之生。乞銀考訂。而命剗。剗諾而與焉。積年不就。廢興有時。韞匱可也。曰。頃有一二同志。慕古學。遍求書肆。不得焉。今其如以。則古典終亡。會有欲學之者。無書則何以得。



知其要。師若吝而不許。羅脫青衿。又獲  
離羅。顧師之罪。豈得小乎。俯願障橫流  
之波瀾。而迴既廢之古風。則不惟吾儕  
之幸。實天下之幸也。余曰善。復開石室。  
檢閱以授於戲小子。其源不竭。其本不  
枯。見學問之斗極。於是乎跋。

皆

享保辛丑孟夏巳卯

少納言兼侍從博士清原尚賢撰

藏人権右中辨藤原俊將書





嘉永五壬子年

夏六月繕之

市野菴

持

市野菴



卷之三